

Poslanik Demokratske fronte
u Skupštini Zeničko-dobojskog kantona
Midhat Delić



Na osnovu člana 111. Poslovnika Skupštine Zeničko-dobojskog kantona-novi prečišćeni tekst („Službene novine Zeničko-dobojskog kantona“, broj 4/12), podnosim sljedeću

INICIJATIVU

Da, nakon što Skupština donese Zakon o osnovnoj školi i Zakon o srednjoj školi, Ministarstvo za obrazovanje nauku, kulturu i sport pristupi izmjenama i dopunama NPP-a a naročito u smislu:

- 1) povećanja fonda časova informatike i u osnovnim i u srednjim školama
- 2) uvođenja drugog stranog jezika u NPP za sve tehničke i srodne škole, te da analizira potrebu i mogućnost uvođenja drugog stranog jezika i u sve stručne škole

OBRAZLOŽENJE:

Prema važećem NPP u osnovnim školama ZDK nastava informatike se izučava u VI i VII razredu, u gimnazijama i srednjim tehničkim i srodnim školama u I i II razredu, a u stručnim školama u I razredu.

U većini srednjih tehničkih i srodnih škola izučava se samo jedan strani jezik u sve četiri godine školovanja a u stručnim školama u prve dvije godine školovanja.

Na 43. sjednici Skupštine održanoj 4.7.2017. godine razmatrana je kao tačka dnevnog reda Analiza stanja i potreba mladih ZDK. U materijalima za ovu tačku, prema istraživanju Instituta za razvoj mladih KULT, je navedeno da se veliki broj mladih (oko 59%) nakon završetka srednjeg ili visokog obrazovanja dodatno educira kroz program neformalnog obrazovanja, putem različitih vidova kurseva i slično a najviše iz informatike i stranih jezika (posebno njemačkog jezika).

Trendovi koji su prisutni danas prilikom zapošljavanja mladih ljudi, u našoj zemlji a pogotovo izvan nje, ukazuju na to da dosta poslodavaca od potencijalnih zaposlenika zahtijeva boljeg poznavanje i primjenu informatike odnosno stranih jezika. Osim toga i razvoj tehnike i tehnologije ukazuje na potrebu boljeg poznavanja i informatike i stranih jezika pa se npr. informatička pismenost posmatra kao sastavni dio pojma opšte pismenosti.

Ovi, a i brojni drugi, razlozi ukazuju na hitnu potrebu realizacije ove Inicijative.

Zenica, 28. juli, 2017. godine

Midhat Delić